

ТОШКЕНТ ҲАҚИҚАТИ

1928 йил 11 декабрда асос солинган

Тиббиёт

МУРАККАБ ЮРАК ОПЕРАЦИЯЛАРИ ЭНДИ ВИЛОЯТИМИЗДА ҲАМ ЎТКАЗИЛАДИ

Тошкент туманида юрак қон-томир жарроҳлиги бўйича вилоятимиздаги илк хусусий клиника ўз фаолиятини бошлади. "American hospital" хусусий шифохонасининг очилиш маросимида вилоят соғлиқни сақлаш бошқармаси мутасаддилари, туман ҳокимлиги масъуллари, шифокор ва ҳамширалар ҳамда кенг жамоатчилик вакиллари иштирок этишди.

2



Мансур ҲИММАТОВ олган суратлар

Яхши хабарлар

Қибрай туманидаги 60 гектар майдонда "Олимлар шаҳарчаси" барпо этилади. Мазкур шаҳарчага Ўзбекистон Республикаси Фанлар академиясининг илмий-тадқиқот институтлари жойлаштирилиши ҳақида ЎЗА хабар бермоқда.

ҚИБРАЙДА «ОЛИМЛАР ШАҲАРЧАСИ» ҚУРИЛАДИ

Бу ҳақда Инновацион ривожланиш вазирлиги томонидан ишлаб чиқилган ҳукумат қарори муҳокама учун меъёрий-ҳуқуқий ҳужжатлар порталида эълон қилинди.

Ҳужжатда қайд этилишича, "Олимлар шаҳарчаси" инвесторлар ҳисобидан қурилади. Инвесторларга Фанлар академияси Тошкентда бўшатиш билан бинолар мулк сифатида хатлаб берилади. "Олимлар шаҳарчаси"га пойтахтдан жами ўн та илмий-тадқиқот институти кўчирилади.

Ўтган йилнинг июлида Президент Шавкат Мирзиёев жуғрофий жиҳатдан Қибрай туманида, маъмурий жиҳатдан пойтахтнинг Мирзо Улуғбек туманида жойлашган Улуғбек посёлкасида "Олимлар шаҳарчаси"ни барпо этиш юзасидан бош планни ишлаб чиқишга кўрсатма берган эди.

Бугунги кунда бу посёлкада Фанлар академиясининг Ядро физикаси институти жойлашган. Яқин кунларда бу ерга Москва муҳандислик-физика институти филиали ҳам кўчиб ўтади.

40 ТА ОИЛАВИЙ МЕҲМОН УЙЛАРИ

Вилоятимизда 2018 йилда 40 та оилавий меҳмон уйлари фаолияти йўлга қўйилган бўлса, жорий йилда улар сонини 300 тага етказиш режалаштирилмоқда, деб хабар беради ЎЗА.

Мамлакатимизда туризм фаолияти билан шуғулланувчи тадбиркорлик субъектларини ҳар томонлама қўллаб-қувватлаш, уларнинг самарали фаолият юритиши учун тақдим этилаётган имконият ва имтиёзлар туризм инфратузилмасини яхшилашга хизмат қилаётди. Жумладан, соҳада бир қадар янги йўналиш – оилавий меҳмон уйлари тармоғини қўллаб-қувватлашга қаратилган эътибор туфайли туризмнинг мазкур йўналиши жадал ривожланмоқда. Ўтган йили биргина Бўстонлиқ туманида 20 та оилавий меҳмон уйи фаолияти йўлга қўйилгани фикримиз тасдиғидир.

Оилавий меҳмон уйлари сайёҳлар, айниқса, чет эллик сайёҳлар эътиборини кўпроқ торттириш, нисбатан камҳаржлиги ва бошқа шу каби қулайликлари билан ажралиб туради. Миллий урф-одат ва қадриятларимизни кенг тарғиб қилиш, қишлоқ жойларда тадбиркорлик маданиятини ривожлантириш, аҳоли бандлигини таъминлаш ва, асосийси, туризмни жадал тарраққий эътиришда муҳим ўрин тутди.

Айни пайтда вилоятда соҳани ривожлантириш борасида тизимли ишлар олиб борилаётган. Жумладан, оилавий меҳмон уйлари ва қишлоққа келган меҳмонларга кўрсатилаётган хизматлар қўламини кенгайтирилиб, ҳудудлардаги зиёратгоҳ ва муқаддас қадамжолар, табиатнинг сўлим гўшаларига меҳмонлар сайрлари уюштирилмоқда.

Давоми 2-бетда

Дарвоқе

Тошкент воҳаси, хусусан, вилоятимиз ҳам улкан қурилишлар майдонига айлангани рост. Маълумотларга қараганда, Тошкент шаҳри билан қўшиб ҳисоблаганда ўтган йили қурилиш ишлари ҳажми камида икки баробар кўпайган.

ТОШНИ ТОШГА УРИБ, ПУЛ ҚИЛАЁТГАНЛАР

Қурилиш эса турган гапки, тошу шағалсиз бўлмайди. Вилоят ва пойтахт бунёдкорлари бундай зарур ашёларни вилоятимизда фаолият юритаётган махсус карьер (табиий манбалардан тош, қум, шағал қазиб олувчи, қайта юкловчи) хизмати кўрсатадиган тадбиркорлик субъектларидан олади.

Бироқ, табиий қурилиш ашёларига талаб икки, уч баробар кўпайганига қарамай... бу каби тадбиркорлик субъектларида маҳсулот сотиш ҳажмлари қозғошу ҳисоботларда деярли ўзгармай келмоқда. (Вилоят "Ҳокимлик соатида" қайд этилган маълумот).

Нима деб ўйлайсиз, бу ҳуфийна иқтисодиёт ун-сурлари, аниқроғи, солиқдан қочиб эмасмикин? Умуман, бунинг худудий солиқ юкининг ортиб бораётганидан нолиётган мутасаддилар, сектор раҳбарлари билмайдиларми?

Улар бунга нима дейишаркин?

@haqiqatonline



МЕҲР-ОҚИБАТ, ҲАМЖИҲАТЛИК, БИРДАМЛИК ИФОДАСИ

Ҳашар – халқимизнинг меҳр-оқибат, ҳамжиҳатлик, бирдамлик ва ўзаро беғараз ёрдам каби инсоний фазилатларини тараннум этувчи азалий қадриятдир. Асрлар оша боболаримиз ҳашар йўли билан улкан бунёдкорлик, қурилиш, ободонлаштириш ва

қўқаламзорлаштириш, шу жумладан, маҳаллалар, кўча ва хиёбонлар, зиёратгоҳ ва қабристонлар, хонадонларни саранжом-саришташ, турли хил дарахт ва гул кўчатларини екиш каби хайрли ишларни амалга оширишган.

Экологик ҳашар

Ўзбекистон Республикаси Вазирлар Маҳкамасининг 2019 йил 22 январдаги фармойишига мувофиқ, мамлакатимиз бўйлаб 26 январь кунини эрта

тонгдан бошланган умумхалқ экологик хайрия ҳашари ҳам халқимизнинг ана шундай эзгу ва хайрли амалларининг узвий давоми бўлди.

Маълумотларга кўра, ҳашарда вилоятимиздан 500 мингдан зиёд аҳоли вакиллари иштирок этди. Уларнинг аксарияти ёшлар экани қувонарлидир.



Ҳашар доирасида қарийб 4 минг 500 гектардан ортқ майдон ободонлаштирилди, ариқ-зовур ва лотоклар тозаланиб, зиёратгоҳ ва қабристонлар тартибга келтирилди. Шунингдек, 800 га яқин махсус техника воситалари ёрдамида қарийб 5 минг 172 тонна маиший ва қурилиш чиқиндисини белгиланган жойларга чиқариб ташланди. Тураржой массивлари ва маҳаллаларда кенг қўламли тозалаш-ободонлаштириш ишлари амалга оширилди.

Мазкур хайрия ҳашаридан тушган маблағлар Орол денгизининг суви қуриган майдонларда ҳимоя ўрмонларини барпо этиш, минтақада экологик ҳолатни ҳамда аҳоли турмуш шароитини яхшилаш, кам таъминланган, боқувчисини йўқотган, ижтимоий ҳимояга муҳтож оилаларга моддий ва маънавий ёрдам кўрсатиш каби тадбирларга йўналтирилади.

Ўз мухбиримиз
Рашид ГАЛИЕВ олган суратлар

Қарор ва ижро

Мамлакатимизда ҳам паррандачилик соҳасини ривожлантириш ва экспортга мўлжалланган тайёр маҳсулотлар ишлаб чиқариш ҳажмини ошириш ва турларини кенгайтириш, шунингдек, аҳолини маҳаллий ишлаб чиқарилган сифатли ҳамда арзон паррандачилик маҳсулотлари билан таъминлаш бўйича муҳим чора-тадбирлар амалга оширилмоқда.

Президентимизнинг ўтган йил 13 ноябрда қабул қилинган "Паррандачиликни янада ривожлантириш бўйича қўшимча чора-тадбирлар тўғрисида"ги Қарори соҳа ривожидagi ишларни янги босқичга олиб чиқди.

ЭТИ ҲАМ, ПАТИ ҲАМ ДАРОМАД

Мазкур ҳужжатга кўра, бу йил аҳолини етарли миқдорда паррандачилик маҳсулотлари билан таъминлаш ҳамда экспорт салоҳиятини ошириш мақсадида парранда сонини 80 миллион 780 мингдан ошириш, тухумни 7 миллиард 486 миллион донга, парранда гўшти ишлаб чиқаришни 191 минг 400 минг тоннага етказиш режалаштирилмоқда. Хусусан, вилоятимизнинг бар-

ча ҳудудларида парранда етиштириш, уни қайта ишлаш ва яқиний тайёр маҳсулотни истеъмолчига етказиш жараёнини тўлиқ қамраб олган паррандачилик субъектларини ташкил этиш мўлжалланмоқда.

"Бир товۇққа ҳам дон, ҳам сув керак", деганларидек, режалар катталигини ҳисобга олиб, ҳозирдаёқ емишнинг ташвишини қилиш дар-

кор. Ҳисоб-китобларга кўра, 2019 йилда озиқа учун камида 593 минг тонна буғдой, шунингдек, маккажўхори, соя, кунгабоқар кунжараси ва бошқа дармондорилар зарур бўлар экан. Шу мақсадда парранда озиқасини етиштириш учун тадбиркорлик субъектларига 137 минг гектардан ортқроқ ер майдони ажратилиши кўтилмоқда.

Бундан ташқари, парранда-


лар орасида турли юқумли касалликлар тез тарқалишини инobatга олиб, Янгийўл туманида "Паррандасаноат" уюшмаси ҳузурида соҳага ихтисослашган хўжаликларга хизмат кўрсатувчи замонавий илмий-диагностика лаборатория маркази ташкил этилиши режалаштирилди.

Халқимиз орасида "Парранда – етти хазинанинг бири", деган ажойиб нақл бор. Чунки, парранда боқилдиган уйда барака бор-да. Бир катакка тўртта товۇқ ташлаб қўйилган хонадон дастур-

хонидан тухум аримайди. Агар ҳафсала қилинса, паррандачиликдан қилинган даромад топиш, уйлар қуриш, тўйлар қилиш, хуллас, фаровон яшаш мумкин.

Давоми 2-бетда

Паррандачилик
қишлоқ хўжалигининг
етакчи тармоқларидан бири.
Таҳлилчиларнинг фикрича,
бугунги кунда жаҳоннинг
кўплаб давлатларида соҳага
катта эътибор қаратилмоқда.



Тадбирда сўз олганлар мамлакатимизда соғлиқни сақлаш тизимида хусусий секторнинг ролини ошириш, хусусий тиббиёт муассасалари фаолияти-

ларига тўғри ташхис қўйиш ҳамда даволаш амалиёти олиб борилади. Клиникада кардиолог, қон-томир жарроҳи, невропатолог ва эндокринолог

қўйишда жуда муҳимдир. Шуниси эътиборга моликки, клиникада инновацион технологияларни қўллаган ҳолда бир қанча юрак жарроҳлиги

амалиётлари бемор танасини кесмасдан бажарилади. Бундан ташқари, энг сўнгги русумдаги замонавий технологиялар билан жиҳозланган

лабораторияда қон ва бошқа турдаги таҳлиллар юқори аниқликда текширилиб, натижалари тез фурсатда тайёрлаб берилишига алоҳида аҳамият қаратилган. Шунингдек, жонлангириш, даволаш ва муолажа хоналари барча зарур анжомлар ҳамда жиҳозлар билан тўлиқ таъминланган.

Шифохона замонавий дизайн асосида бунёд этилган бўлиб, қурилиш ишлари "Само" масъулияти чекланган жамияти томонидан бажарилган. Қурилиш ишлари ва бошқа харажатларга жами 12 млрд. сўмдан ортиқ маблағ сарфланган. Мутасаддиларнинг сўзларига кўра, келажакда хориждаги ривожланган клиникалар билан ҳамкорликни йўлга қўйиш режалаштирилган.

Зиёвуддин ҚАМБАРОВ



40 та оилавий меҳмон уйлари

Ўзбекистон Республикаси Президентининг 2019 йил 5 январдаги "Туризм тармоғини жадал ривожлантиришга оид чора-тадбирлар тўғрисида"ги Қарори бу борадаги ишлар ривожига яна бир муҳим ҳуқуқий асос бўлиб хизмат қилмоқда.

Хусусан, мазкур қарорда ҳар йили хостеллар ва меҳмон уйлари ташкил қилиш дастурини тасдиқлаш, Ўзбекистон Республикаси Қурилиш вазирлиги билан биргаликда шаҳарлар ва аҳоли пунктларини ривожлантириш дастурларини ишлаб чиқишда республиканинг ҳар бир йирик шаҳрида хостеллар ва меҳмон уйлари тармоғининг мавжуд бўлишини таъминлаш бўйича вазифалар белгиланди. Шунингдек, замонавий санитария-гигиеник шахобчалари қуриш масаласига ҳам алоҳида эътибор қаратилди.

Бу борада вилоятимизнинг барча туман ва шаҳарлари, айниқса, туристлар кўп ташриф бурурадиган ҳудудлардаги туристик объектларнинг санитария-гигиеник шахобчалари ҳолати ўрганилди.

Ўрганиш жараёнида ҳудудлар босқичма-босқич хатловдан ўтказилиб, ҳокимликлар ва мутасадди ташкилотларга мавжуд камчиликларни бартараф этиш бўйича тақдимнома киритилди. Натижада 60 дан ортиқ маданий мерос обидаси, зиёратгоҳ ва қадамжоб ободонлаштирилди. Жумладан, Оҳангарон туманидаги "Шоабдумалик ота" зиёратгоҳи, Пискент туманидаги "Парли ота" зиёратгоҳида замонавий санитария-гигиеник шахобчалар қурилиб, барча зарур шaroит яратилди. Яна 9 объект таъмирлаш ва консервация қилиш учун 3 миллиард сўм ажратилди.

Маъруф БАРАКАЕВ,
вилоят Туризмни ривожлантириш департаменти бўлим бошлиғи


МУРАККАБ ЮРАК ОПЕРАЦИЯЛАРИ ЭНДИ ВИЛОЯТИМИЗДА ҲАМ ЎТКАЗИЛАДИ

ни ривожлантириш ва аҳолига сифатли тиббий хизмат кўрсатиш борасида амалга оширилаётган ишларда Президентимизнинг "Соғлиқни сақлаш соҳасида хусусий секторни янада ривожлантириш чора-тадбирлари тўғрисида"ги Қарори муҳим дастурил-амал бўлаётганини таъкидлашди.

Мазкур шифохонада юрак ва бошқа қон-томир касаллик-

каби 20 дан ортиқ олий тоифали ва малакали шифокорлар жамланган. Улар орасида чет элларда тахсил олган, ма-лака оширганлари ҳам бор. Шунингдек, қатор кичик тиббиёт ходимлари ва ҳамширалар туну-кун беморларга хизмат кўрсатишди.

Шифо масканидаги рентген, ЭКГ, ЭХО ва ультратовуш текшируви аппаратлари, тиббий ускуналар АҚШдан келтирилган бўлиб, улар касалликни аниқлаш ва тўғри ташхис



Бошланғич 1-бедра

Ўзбекистон ёшлар иттифоқи "Камалак" болалар ташкилоти навбатдаги "Аёло таътил" лойиҳасига старт берди.

«АЁЛО ТАЪТИЛ» ЛОЙИҲАСИ БЎСТОНЛИҚДА ЎТКАЗИЛАДИ



Чоракни аёло баҳолашга тугатган 10-16 ёшдаги ўқувчиларнинг бўш вақтларини мазмунли ташкил этиш мақсадида шу йилнинг 22-29 март кунлари Бўстонлик туманида жойлашган "Ёшлар оромгоҳи"да "Аёло таътил" лойиҳаси бўлиб ўтди.

Таътил давомида маҳоратли касб эгалари билан учрашувлар, саёҳатлар, "Чодирда бир кун" саргузашт ўйинлари, спорт мусобақалари, интеллектуал танловлар, ижодий дастурлар ташкил этилади. Лойиҳада республиканинг барча ҳудудидан ёшлар иштирок этади.

"Аёло таътил" лойиҳасида иштирок этиш истагини билдирган ёшлар +99899 842 10 47 телеграмм рақами орқали мурожаат қилишлари мумкин. Номзодлар танлов асосида саралаб олинади.

Ўз мухбиримиз

Бошланғич 1-бедра

Шунингдек, сувни тежайдиган сугориш технологияларини кенг қўллаш бўйича ҳам қатор вазифалар белгиланди. Жумладан, қишлоқ хўжалиги мақсадларида ер бериш тизимини тубдан қайта қўриб чиқиш зарурлиги, ердан самарали фойдаланиб, мўл ҳосил олаётган кўп тармоқли фермер хўжаликлари фаолиятини кенгайтириш учун қўшимча ер майдонларини ажратиш каби масалаларга ҳам алоҳида эътибор қаратилди.

Бош прокуратура ҳузуридаги Агросаноат мажмуи ва озиқ-овқат хавфсизлиги таъминлишини устидан назорат қилиш инспекциясининг вилоят бошқармаси томонидан қишлоқ хўжалигининг барча йўналишида назорат ўрнатилиб, фермерларнинг ҳуқуқларини ҳимоя қилиш, агротехника тадбирларини ўз вақтида ва сифатли ўтказиш, умуман, соҳада қонунийликни таъминлаш борасида кенг қўламли ишлар амалга оширилмоқда. Хусусан, бошқарма органлари томонидан 2018 йилнинг август-декабрь ойларида 1 минг 58 та текшириш ва мониторинг ўтказилиб, натижасига кўра, 2 минг 522 та назорат ҳужжатлари қўлланилди, 42 та ҳолатда жиноий ва 2 минг 56 та маъмурий иш қўзғатилди. 83 нафар шахс интизомий ва 26 нафари моддий жавобгарликка тортилди. Ҳуқуқбузарларга нисбатан 390,6 миллион сўм маъмурий жарималар қўлланилиб, шундан 354,5 миллион сўмининг ундирилиши таъминланди. Соҳага оид меъёрий-ҳуқуқий ҳужжатларнинг қабул қилиниши бўйича назорат тадбирларида 91 та қонуний ҳужжат протест асосида бекор қилинди ва қонунга мувофиқлаштирилди.

Инспекция томонидан пахта хом ашёсини йиғиштириб олишни ушқоқлик билан ўтказиш юзасидан олиб борилган тезкор-таҳлилий тадбирлар натижасида 46 та ҳолатда қонунбузилиши аниқланиб, 19 та жиноят ишлари қўзғатилган ва 29 та ҳолатда ҳуқуқбузарлар маъмурий жавобгарликка тортилди.

Мисол учун, "Бўка пахта тозалаш" АЖ қошидаги пахта қабул қилиш маскани мансабдор шахслари пахта қабул қилиш тарти-

бини бузиб, фермер хўжаликлари раҳбарларига бўш оқ қорозларга имзо қўйдириб, 5 759,12

нинг топширилганлиги ҳақида сохта ҳисобварақалари тузиб, хусусий қорхонанинг ҳисоб ра-

Назорат

Давлатимиз раҳбарининг Олий Мажлисга Мурожаатномасида бошқа соҳалар қатори қишлоқ хўжалигида ҳам тизимни ислох қилиш, ер ва сув ресурсларидан оқилона фойдаланиш борасида илгор технологияларни жорий этиш, озиқ-овқат хавфсизлигини таъминлашга аҳамият қаратилди. Хусусан, пахта, ғалла ва мева-сабзавот кластерлари фаолиятини ҳар томонлама ривожлантириш, уни давлат томонидан қўллаб-қувватлаш, жумладан, кредит тизимини соддалаштириш, ер ажратиш билан боғлиқ тартибларни қайта қўриб чиқиш, уруғчиликда асл навларни яратиш мақсадида тажриба-селекция ишларини тубдан жонлантириш лозимлиги таъкидланди.

ИЛЛАТЛАР ИЛДИЗИГА БОЛТА УРИЛДИ

кг. пахта хом ашёси қабул қилинганлиги ҳақидаги сохта ҳужжатлар тайёрлашгани фош этилди. Бундан ташқари, жамият мансабдорлари ўз жиноий ҳаракатларини давом эттириб, синовдан ўтган усул билан оппоқ қорозга 23 та фермер хўжалиги раҳбарларининг имзоларини қўйдириб, 5 минг 280 кг. пахта қабул қилинганлиги ҳақида сохта қиванцияларни тайёрлаб қўйганликларини аниқланди.

Текширишлар давомида жамият мансабдорларининг яна бошқа қилмишлари ҳам юзага чиқди. Маълум бўлишича, бу "уддабурон"лар "Пари-зод супер инвест" хусусий қорхонаси ва "Тошкенткиккаламчиқораметалл" МЧЖга мансабдор шахслари билан ўзаро жиноий тил бириктириб, 2018 йилнинг май ойидан сентябрга қадар 120,1 миллион сўмлик 103,6 тонна қора металл ҳақиқатан хусу-

сий қорхона томонидан жамиятга олиб келинмаган ва иккиламчи қора металл сифатида топширилмаган бўлса-да, металл-

қамига пул ўтказиб беришган. Бундай сохта ишлар жамиятда аввалдан амалга ошириб келинган экан. Шунингдек,

2017 йилда ҳам 100,2 миллион сўмлик 34,1 тонна эҳтиёт қисмлар қора металл сифатида жамият ҳисобидан чиқарилган бўлса-да, "Тошкенткиккаламчиқораметалл" МЧЖга 72,9 тонна 38,4 миллион сўм қилдордаги қора металл топширилганлиги ҳақида сохта далолатномалар тузиш йўли билан давлат мулки талон-торож қилинган.

Бундай қалбакиликларни "Мустақиллик пахта тозалаш" АЖнинг Янгийўл тумани пахта қабул қилиш маскани мансабдор шахслари ҳам амалга оширишган экан. Улар бир қатор фермер хўжаликлари томонидан амалда топширилмаган ҳар бир килограммининг нархи 3 минг 200 сўмдан 48 минг 440 кг. бўлган қиймати 155 миллион сўмликдан ортиқроқ пах-

та хом ашёсини расмий ҳужжатларга сохта маълумотлар киритиб, транспорт техникаларининг вазини асосиз равишда пахта хом ашёси физик вазнига қўшган ҳолда пахта қабул қилиш пунктига топширилганлиги тўғрисида қалбаки ҳужжатлар тузиш йўли билан ўзлаштириб юборишган.

Шунингдек, "Мустақиллик пахта тозалаш" АЖга қарашли Қуйи Чирчиқ туманидаги "Кетмонтепа" пахта хом ашёсини қабул қилиш маскани мансабдор шахслари томонидан экиш учун кейинги йилга қолдирилган 558 миллион сўмлик 128,2 тонна чигитни ўзлаштириш йўли билан талон-торож қилишгани ҳам маълум бўлди.

Тошкент ва Янгийўл туманларидаги фермер хўжаликлари билан Наманган вилояти Тўрақўрғон туманидаги "Имкон Агро" МЧЖ ўртасида тузилган шартномага асосан 9 миллиард 671 миллион сўм, шундан 9 миллиард 268 миллион сўми кредит маблағлари ҳисобидан уруғлик картошка етказиб бериш режалаштирилган. 2018 йилнинг апрель-июнь ойларида жамият ҳисоб рақамига 9 миллиард 418 миллион сўм пул маблағи ўтказиб берилган бўлиб, шартномага асосан, уруғлик картошка маҳсулотлари ўтган йилнинг 15 июнига қадар етказиб берилиши лозим эди. Бироқ, жамият томонидан ушбу туманлар-

экилмасдан қолган.

Бошқарма томонидан вилоятда қишлоқ хўжалигига мўлжалланган сув ресурслари ва ерлардан фойдаланишни назорат қилиш соҳаси бўйича ўтказилган мониторинг ва текширишлар бўйича 348 та қонунбузилиш ҳолатлари аниқланиб, 2 та жиноят ва 346 та маъмурий иш қўзғатилди. Хусусан, "Юқоричирчиқдавсуммаҳсуспул-рат" ДУКда ўтказилган текширишда, қорхона мансабдор шахслари Бўстонлик туманидаги 10 та ирригация объектлари реконструкция қилиш учун "Тошкентсувқурилиш инвест" ДУК билан 1 миллиард 80 миллион сўмлик шартнома тузиб,


2018 йил учун ажратилган 521 миллион 933 минг сўмлик пул маблағларини ўз ҳисоб рақамларига тушишига эришиб, аслида шартномага нисбатан бажарилмаган 368 миллион 301 минг сўмлик ишларни бажарилди, деб сохта ҳужжатлар тузиб, давлатнинг жуда катта миқдордаги пул маблағларини ўзлаштириш йўли билан йўқ қилиб юборишган.

Бундан ташқари, ДУК мансабдорлари буюртмачининг назоратчилари билан келишиб олиб, ҳужжатларни сохталаштириш йўли билан Юқори Чирчиқ, Паркент ва Бекобод туманидаги коллектор ва каналларда бажарилмаган ишларни "қороз"да бажариб, жами 470 миллион 772 минг сўмлик пул маблағларини талон-торож қилишган. Айбдорлардан етказилган зарарнинг тўлиқ ундирилиши таъминланди.

даги фермер хўжаликлари уруғлик картошка етказиб берилмаганлиги оқибатида, режалаштирилган майдонларга картошка

Юқорида келтириб ўтилган барча ҳолатлар юзасидан Инспекциянинг вилоят бошқармаси томонидан айбдор шахсларга нисбатан Ўзбекистон Республикаси ЖКнинг тегишли моддалари билан жиноят ишлари қўзғатилди.

Шухрат ҲУСЕНОВ,
Бош прокуратура ҳузуридаги Агросаноат мажмуи ва озиқ-овқат хавфсизлиги таъминлишини устидан назорат қилиш инспекциясининг вилоят бошқармаси бошлиғи



Шундай гапларни эшитадиган кунлар ҳам келди, чоғи. Негаки, энди ҳайдовчиларнинг ойликлари ҳам анча кўпаядиган бўлди. Автомобиль транспорти ҳайдовчилари меҳнатига ҳақ тўлашнинг умумий шартлари тўғрисидаги низом Адлия вазирлигида давлат рўйхатидан ўтказилди.

КУЁВИНГИЗ ҲАЙДОВЧИМИ? ҲА, УНДА ОЙЛИГИ ЯХШИ ЭКАН...



Вазирликнинг "Ҳуқуқий ахборот" канали маълум қилишича, Низомга мувофиқ, ташкилотларнинг (бюджет ташкилотлари, давлат корхоналари, муассасалари ва устав капиталида давлат улуши 50 фоиздан кўпроқни ташкил этадиган ташкилотлар) енгил автомобиль ҳайдовчиларига Меҳнатга ҳақ тўлаш ягона тариф сеткасининг 1-3 разрядлари бўйича (577 минг 172 сўмдан 638 минг 194 сўмгача), автобус ҳайдовчиларига 2-7 разрядлар бўйича (607 минг 581 сўмдан 868 минг 495 сўмгача), юк автомобиллари ҳайдовчиларига 1-8 разрядлар бўйича (577 минг 172 сўмдан 940 минг 667 сўмгача) ҳақ тўланади.

Шунингдек, тунги вақтда, дам олиш ва байрам кунлари, хизмат вақтидан ташқари ишлаганлик учун, халқаро юк ташувларини амалга оширганлиги, Президент Администрацияси транспорт қисми ҳамда Ҳукумат аппарати балансида бўлган енгил автомобиллар ҳайдовчиларига меҳнат шaroитлари ва бошқа бир қатор жиҳат ва тоифалар учун устамалар белгиланган кўзда тутилган.

@haqiqatonline

ПИЁДАЛАР ҲАМ ЖАРИМА ТЎЛАЙДИ



Эндиликда йўл ҳаракати қондасини бузган пиёдаларнинг уйлари ҳам электрон шаклдаги маъмурий баённо-малар юборилади.

Ўзбекистон Республикаси Маъмурий жавобгарлик Кодексининг 138-моддасига кўра, қондабузар пиёдаларга энг кам ойлик иш ҳақининг учдан бири миқдорида жарима солинади.

@haqiqatonline

Жавлон (исмлар ўзгартирилган) кўринишидан туппатузук, эсли-хушли йигитга ўхшайди. Тўрт мучаси соғ бу йигит ҳалол меҳнат билан даромад топиш ўрнига нафсига қул бўлишни ўзига эп билган. Ачинарлиси, яқиндан билган танишлари, маҳалладошларини чув туширган...

Жавлон маҳалладоши Эркабойнинг уйида қорамол боқаётганидан хабар топади. Уни осонгина қўлга киритиш ис-тагида турли режалар туза бошлайди. Ниҳоят, чорасини топгандек бўлади: қорамолни насияга олиб, кейин чўпчак тўкиб, ишни қойиллатса бўлди. Ошиғи олчи-да. Шунга ҳам ортиқча бош қотириб юради-ми, дарров "ов"га чиқиш керак. Қолгани вазиятга қараб бўлаверади...

Шундай қилиб, у 2017 йил 31 январь куни Эркабойнинг уйига бориб, қорамолнинг нархини сўрайди. Агар келиша олса молни сўйиб, гўштини сотмоқчи эканлигини айтади. Жавлон узоқ савдолашиб, новоснинг гўштини ҳар килограмми учун 23 минг сўмдан ҳисоблаб, жами 6 миллион 800 минг сўмга сотиб олишга келишади. Пулини эса 12 кун кечиктириб туришини, шу муҳлат ичида ҳеч қандай муаммосиз беришини айтади. Унинг ваъдасига содда Эркабой ишонади.

Лекин, орадан айтилган муддат ўтсада, Жавлон миқ-эмай юраверади. Турли ба-ҳоналарни айтиб, ҳар сафар муддатни ортга сураверади. "Нима қилай, ахир, ака, "Чорсу"даги қассоблардан пулни ололмаямман", деб ўзини бе-чорахонга солиб юради. Охир-оқибат "мижози"га қорасини кўрсатмай қўяди.

Бир жиноят шарҳи

Халқимизда ваъдага вафо қилмаслик қаттиқ қораланади. Минг афсуски, ваъдага хилоф иш тутиб, одамларни алдаб, ортиқча сарсон қилишдан уялмайдиган юзсиз кимсалар ҳам бор орамизда.

Келинг, сўзимизни бир жиноят иши мисолида давом эттирайлик. Яқинда жиноят ишлари бўйича Янгийўл тумани судида қўрилган навбатдаги ишда олчoқ бир йигитнинг қилмишлари билан танишдик. Охир-оқибат ер чизиб қолган судланувчи одамларнинг ишончини суиистеъмол қилиб, ўзига фарибгар деган тамгани орттириб олган.

ОВГА ЧИҚҚАН ОЛЧОҚ

Жавлон "ови бароридан келгани"дан тўлқинланиб, навбатдаги ўлжа илинжида юрганида, яна бир таниши – Раҳимжон қорамолни сотмоқчи эканлигини эшитиб қолади. 2017 йил 21 февраль куни эски ҳунарини ишга солиб, Раҳимжоннинг бир бош қорамолни сўйиб сотиб, гўштининг ҳар бир килограмми учун 23 минг сўмдан тўлашни айтади. Мижози билан ўзаро келишгандан сўнг, улар қушхонага бирга боришади. Жавлон қорамолни сўйдиради. Келишувга кўра, Раҳим-

жонга жами 5 миллион 865 минг сўм бериши керак эди. Айни шу жойда Жавлон яна қувлик йўлига ўтади. Пулни бир ҳафта ичида беришини айтиб, асосли важ билан баҳона қилади. Унинг дадил ваъдасига Раҳимжон ишонади. Охири у ҳам Эркабойнинг

саласи, ҳа энди, шунақаси ҳам бўлиб туради-да", деб қутулиб кетади. Шу гапларга ҳуқуқ-тартибот ходимларини ҳам ишонтириб, сувдан қуруқ чиқиб кетаман, деб ўйлади.

Миясида гужон ўйнаётган шу фикрлар Жавлонга "хунар"ини давом эттиришга куч



берди. Йўқса, андишани билмаган юзсиз бу "азамат" ёш-лигидан таниш бўлган Боситнинг ҳам "қулоғига лағмон илиб" кетмаган бўларди. Най-рангбозга ишонган Босит Элбек исмли танишидан ўртада туриб, 4 миллион сўмлик бир бош от, эртаси куни эса ўртоғи Собитнинг 3 миллион сўмлик бир қорамолни олиб, бериб юборади. Ўртада ка-фил бўлади.

Бу орада Жавлон Рашид исмли танишини ҳам лақилла-тиб кетишининг уddасидан чиқади. У билан ҳам ўзаро ке-

лишиб, хонадонидagi қорамолнинг гўштини ҳар килограммининг 23 минг сўмдан, жами 6 миллион сўмга баҳолаб, пулларини 10 кун муддат ичида беришга кўндириб кетади. Одатига кўра, ваъдалашилган муддат келганда эса, яна ўша эски пластинкасини айлантиради.

Кафил турма – кафансиз кетасан, деган гап бор. Охи-рини ўйламай берилган ваъдалар жабрини кўрган Босит кафил бўлгани учун Элбек ва Собитга жами етти миллион сўмни ўз ҳисобидан тўлашга мажбур бўлади.

Жавлоннинг гапларига ишониб, рўзғоридagi кам-кўстини тўлдириш тайёргар-лигини кўриб юрган соддадил инсонларнинг охир-оқибат сабр кosalарни тўлади. Та-биийки, ундan жабр кўрган инсонлар эшитаётган важа-ри канчалик тўғри эканлиги-ни текшириб кўришга кири-шишади. "Чорсу" бозорида-ги қассоблардан сўраб, су-риштиришади. Билишдики, Жавлон ҳаммага бир хил ба-ҳонани айтиб, лақиллатиб юрган экан. Аслида, "Чорсу"-даги қассоблар аллақачон Жавлонга пулларни тўлаб бўлишган экан...

Судланувчи дастлабки тер-гов жараёнининг ўзидаёқ, жабрланувчиларга етказган зарарни тўлиқ қоплади. Жа-влон қилмишига яраша жазо-сини ҳам олди.

Суд якунида ҳаёлимиздан: "Энди унга бегоналар у ёқда турсин, яқинлари ҳам ишо-нармикин?" деган фикрлар ўтди.


Баҳром ТОШПЎЛАТОВ,
Жиноят ишлари бўйича
Янгийўл тумани суди raisи,
Абдусалим МАХМУДОВ,
"Тошкент ҳақиқати" муҳбири

Ижтимоий тармоқларда...

Қўлида... Чўпи ҳам йўқ

"Қибрайтумангаз қошида "пожарный" хизмати (фирма) ходимлари уйма-уй юриб, 28 минг сўмлик қвитанция ёзиб, ташлаб кетишмоқда. Текшириш йўқ. Мури тўлган, то-залаш керак десам, қўлида чўпиям йўқ. Қуруқ пул йиғиб юришибди. Мақсади нима ўзи уларнинг? Бунақа шоввозларга газ иси хавфсизлигини ишониб бўладими?" деб савол қўяди Гулшода Қурбонова ўзининг Фейсбукдаги саҳифасида.

@haqiqatonline



ОБ-ҲАВО МАЪЛУМОТИ

Республика Гидрометеорология марказининг хабар беришича, 30 январь куни Тошкентда ҳаво ўзга-риб туради, вақти-вақти билан ёмғир ёғади. Шарқдан эсаётган шамол ўз йўналишини ўзгарти-риб, Фарбдан секундига 5-10 метргача кучайиши мумкин. Ша-молнинг тезлиги секундига 12-17 метргача кучайиши мумкин. Ке-часи 6-8, кундузи 8-10 даража илиқ бўлади.

Тошкент вилоятида ҳаво ўзга-риб туради, айрим жойларда ёмғир ёғади. Шарқдан эсаётган шамол ўз йўналишини ўзгарти-риб, Фарбдан секундига 7-12 метр тезликда шамол эсади. Шамолнинг тезлиги баъзи жой-ларда секундига 15-20 метргача кучайиши мумкин. Кечаси 3-8, кундузи 7-12 даража илиқ бўла-ди.

Тошкент вилоятидаги давлат органлари ва ташкилотлари 14 январь ҳолатига қуйдаги вакант (бўш) бўлган юрисконсулт лавозимларига ҳуқуқшуносларни ишга таклиф этади

№	Ташкилот номи	Лавозим
Вилоятдаги бошқармалар бўйича		
1	Тошкент вилояти "Ермулқадастр" ДК	Юридик бўлим бошлиғи
2	Тошкент вилояти Минтақалараро сув қувурларидан фойдаланиш бошқармаси	Бош юрисконсулт
3	"Тошкент вилояти Чимён-Чорвоқ Рекреацион ҳудуди Минтақалараро сув қувурларидан фойдаланиш бошқармаси" ДУК	Бош юрисконсулт
4	Тошкент вилояти Экология ва атроф-муҳитни муҳофаза қилиш бошқармаси ҳузуридаги	Юридик шартномалар бўлими бошлиғи
5	"Тоза ҳудуд" ДУК	Бош юрисконсулт
Тошкент вилояти Давлат солиқ бошқармасининг туман (шаҳар) бўлимлари бўйича		
1	Оҳангарон тумани давлат солиқ инспекцияси	Бош юрисконсулт
Тошкент вилояти "Ермулқадастр" давлат қорхонасининг туман (шаҳар) филиаллари бўйича		
1	Олмалик шаҳар "Ермулқадастр" хизмати	Юрисконсулт
2	Янгийўл тумани "Ермулқадастр" хизмати	Юрисконсулт
3	Ўрта Чирчиқ тумани "Ермулқадастр" хизмати	Юрисконсулт
4	Оҳангарон тумани "Ермулқадастр" хизмати	Юрисконсулт
5	Паркент тумани "Ермулқадастр" хизмати	Юрисконсулт
6	Тошкент тумани "Ермулқадастр" хизмати	Юрисконсулт
7	Бўстонлик тумани "Ермулқадастр" хизмати	Юрисконсулт
8	Зангиота тумани "Ермулқадастр" хизмати	Юрисконсулт
9	Қуйи Чирчиқ тумани "Ермулқадастр" хизмати	Юрисконсулт
10	Пискент тумани "Ермулқадастр" хизмати	Юрисконсулт
Тошкент вилояти Молия бош бошқармасининг туман (шаҳар) бўлимлари бўйича		
1	Янгийўл тумани ҳокимлиги молия бўлими	Юрисконсулт
2	Бекобод тумани ҳокимлиги молия бўлими	Юрисконсулт
Бюджетдан ташқари Пенсия жамғармасининг туман (шаҳар) бўлимлари бўйича		
1	Бюджетдан ташқари Пенсия жамғармаси Бўстонлик тумани бўлими	Бош юрисконсулт
Тошкент вилояти Соғлиқни сақлаш бошқармаси тизимига қирувчи тиббиёт муассасалари бўйича		
1	Тошкент вилояти руҳий-аномал Гўдак болалар уйи	Юрисконсулт
2	Тошкент вилояти Кўп тармоқли тиббиёт маркази	Юрисконсулт
3	Тошкент вилояти Кардиология диспансери	Юрисконсулт
4	Тошкент вилояти Наркология диспансери	Юрисконсулт

Тошкент вилояти "Сувоқова" давлат унитар қорхонасининг туман (шаҳар) филиаллари бўйича		
1	"Сувоқова" ДУК Чиноз тумани филиали	Юрисконсулт
2	"Сувоқова" ДУК Бўстонлик тумани филиали	Юрисконсулт
3	"Сувоқова" ДУК Паркент тумани филиали	Юрисконсулт
Чирчиқ-Оҳангарон ирригация тизимлари хавза бошқармасининг туман (шаҳар) бўлимлари бўйича		
1	Оҳангарон-Далварзин ирригация тизими бўлими	Юрисконсулт
2	Паркент-Қорасув ирригация тизими бўлими	Юрисконсулт
3	Янгийўл тумани ирригация бўлими	Юрисконсулт
4	Зангиота тумани ирригация бўлими	Юрисконсулт
5	Қуйи Чирчиқ тумани ирригация бўлими	Юрисконсулт
Тошкент вилояти Маданият бошқармаси бўйича		
1	Тошкент вилояти Маданият бошқармаси	Юрисконсулт
Тошкент вилояти Маданият бошқармасининг туман (шаҳар) бўлимлари бўйича		
1	Ўрта Чирчиқ тумани маданият бўлими	Юрисконсулт
Тошкент вилояти Мактабгача таълим бошқармасининг туман (шаҳар) бўлимлари бўйича		
1	Янгийўл тумани мактабгача таълим бўлими	Юрисконсулт
Тошкент вилояти "Тоза ҳудуд" ДУК бўйича		
1	"Тоза ҳудуд" ДУК Зангиота тумани филиали	Юрисконсулт
2	"Тоза ҳудуд" ДУК Чиноз тумани филиали	Юрисконсулт
3	"Тоза ҳудуд" ДУК Окдўрғон тумани филиали	Юрисконсулт
4	"Тоза ҳудуд" ДУК Бўқа тумани филиали	Юрисконсулт
5	"Тоза ҳудуд" ДУК Ўрта Чирчиқ тумани филиали	Юрисконсулт
6	"Тоза ҳудуд" ДУК Оҳангарон тумани филиали	Юрисконсулт
Тошкент вилояти Кичик sanoat зоналари бўйича		
1	Бўстонлик тумани кичик sanoat зонаси ДУК	Юрисконсулт
2	Паркент тумани кичик sanoat зонаси ДУК	Юрисконсулт
3	Чиноз тумани кичик sanoat зонаси ДУК	Юрисконсулт
4	Янгийўл шаҳар кичик sanoat зонаси ДУК	Юрисконсулт
5	Ўрта Чирчиқ тумани кичик sanoat зонаси ДУК	Юрисконсулт

Ишга кириш билан боғлиқ масалалар бўйича Тош-кент вилояти Адлия бошқармасига мурожаат қили-шингиз мумкин.

Тел.: (71) 253-21-48, (97) 762-04-04

2019 йил 1 январь ҳолатига корхона ва ташкилотлар тўғрисида маълумот

(фермер ва деҳқон хўжаликларидан ташқари)

2018 йилнинг январь-декабрь ойида виллоятда 5,5 мингтага яқин корхона ва ташкилотлар янги ташкил этилди, бу эса ўтган йилнинг шу даврига нисбатан 1,3 мингтага ёки 30,3 фоизга кўпдир.

Фаолияти тугатилган корхона ва ташкилотларнинг сони ўтган йилнинг шу даврига нисбатан 45,4 фоизга камайган ҳамда умум-нинг сони 1 минг 120 тани ташкил этганлигини кузатиш мум-кин.

Бунинг натижасида, ўтган йилнинг шу даврига нисбатан фа-олият кўрсатаётган корхона ва ташкилотлар сони 4,1 мингта (15,3 фоизга) ўсган ҳамда уларнинг умумий сони 31 мингтани ташкил этган.

Корхона ва ташкилотларнинг умумий сонида фаолият кўрса-таётганларнинг улуши 88,7 фоизини, шу билан бирга жами кор-хона ва ташкилотларнинг умумий сонига нисбатан фаолият кўрсатмаётганларнинг улуши 12,3 фоизни ташкил этганлигини кўрсатмоқда ва бу кўрсаткич эса ўтган йилнинг шу даврига нисбатан таққосланганда 0,2 ф.п. камайган.

Иқтисодий фаолият турлари бўйича жами фаолият кўрсатаёт-ган корхона ва ташкилотларнинг умумий сонига нисбатан 22,7 фоиз савдо, 19,3 фоиз sanoat, 11,2 фоиз қишлоқ ва ўрмон хўжалиги, 7,9 фоиз яшаш ва овқатланиш бўйича хизматлар, 7,5 фоиз қурилиш, 3,4 фоиз ташиш ва сақлаш, 1,7 фоиз соғлиқни сақлаш ва ижтимоий хизматлар, 1,5 фоиз ахборот ва aloқа ҳамда 24,8 фоиз бошқа фаолият турлари ҳиссасига тўғри кела-ди.

2019 йил 1 январь ҳолатига фаолият кўрсатаётган хорижий капитал иштирокидаги корхоналар сони 851 тани ташкил этди. Ўтган йилнинг шу даврига нисбатан 268 тага ёки 46 фоизга ўсган. Шунингдек, хорижий капитал иштирокида фаолият кўрса-таётган корхоналардан 482 таси қўшма, 369 таси эса хорижий корхоналар ҳисобланади.

2018 йилнинг январь-декабрь ойларида хорижий капитал иштирокидаги рўйхатдан ўтган янги корхоналарнинг сони 253 тани ташкил қилган. Бу кўрсаткич эса ўтган йилнинг шу даврига нисбатан 165 тага кўпайган ёки 1,5 баробарга ошган.

Янги ташкил этилган хорижий капитал иштирокидаги корхо-наларни иқтисодий фаолият турлари бўйича кўрадиган бўлсак, sanoatда 153 та, савдода 40 та, қишлоқ, ўрмон ва балиқчилик хўжалигида 25 та, қурилишда 11 та, соғлиқни сақлаш ва ижти-моий хизматлар кўрсатишда 5 та, ташиш ва сақлаш ҳамда яшаш ва овқатланиш бўйича хизматларда 4 тадан ҳамда бошқа тур-ларда 11 тани ташкил этади.

2019 йил 1 январь ҳолатига виллоятимизда фаолият кўрса-таётган кичик корхона ва микрофирмаларнинг сони 25,4 мингта-ни ташкил қилган. Бу кўрсаткич 2018 йил 1 январь ҳолатига қараганда 17,5 фоизга ошган.

Иқтисодий фаолият турлари кесимида фаолият кўрсатаётган жами 25,4 мингта кичик корхона ва микрофирмаларнинг 6,7 мингтаси (26,6 фоиз) – савдо, 5,9 мингтаси (23,3 фоиз) – са-ноат, 3,5 мингтаси (13,6 фоиз) – қишлоқ, ўрмон ва балиқчилик хўжалиги, 2,3 мингтаси (9,1 фоиз) – яшаш ва овқатланиш бўйи-ча хизматлар соҳаси, 2,3 мингтаси (9 фоиз) – қурилиш, 4,1 мингтаси (1,1 фоиз) – ташиш ва сақлаш, 1,7 мингтаси (0,4 фоиз) – соғлиқни сақлаш ва ижтимоий хизматлар кўрсатиш, 1,5 мингтаси (0,4 фоиз) – ахборот ва aloқа соҳаси, шунингдек, 2,8 мингтаси (11,2 фоиз) – бошқа фаолият турлари ҳиссаларига тўғри келади.

Шундан кўриниб турибдики, фаолият кўрсатаётган кичик кор-хона ва микрофирмаларнинг асосий қисми савдо ва sanoat фаолият турларига тўғри келади.

Шунингдек, энг кам улуши эса соғлиқни сақлаш ва ижтимоий хизматлар кўрсатиш ҳамда ахборот ва aloқа фаолият турларига тўғри келади.

2018 йил январь-декабрь ойлариде 5,1 мингдан зиёд кичик корхона ва микрофирмалар янги ташкил этилган. Бу эса ўтган йилнинг шу даврига нисбатан қараганда 1,2 мингтага ёки 30,5 фоизга кўпдир.

Иқтисодий фаолият турлари кесимида эса энг кўпи sanoatда (1 минг 312 та), савдода (1 минг 98 та), қишлоқ, ўрмон ва балиқчилик хўжалигида (855 та) ва қурилишда (580 та) ташкил этилган. Энг кам эса соғлиқни сақлаш ва ижтимоий хизматлар-да (75 та), ахборот ва aloқада (85 та) ҳамда ташиш ва сақлашда (194 та) ташкил этилган.

Тошкент вилояти статистика бошқармаси

Қибрай туманидаги 2-сонли Болалар мусика ва санъат мактабида Ўзбекистон "Миллий тикланиш" демократик партияси вилоят кенгаши ҳамда Республика "Маънавият ва маърифат" маркази вилоят бўлими ҳамкорлигида "Энг яхши китобхон оила" танловининг вилоят босқичи ўтказилди.

Танлов

Тадбирда ЎзМТДП вилоят, шаҳар ва туман кенгашларининг раҳбар ва ходимлари, Ўзбекистон Ёзувчилар уюшмаси аъзолари, Республика "Сила" илмий-амалий тадқиқот маркази ходимлари, депутатлар, мактаб ўқувчилари ҳамда оммавий ахборот воситалари ходимлари иштирок этишди.

Китобнинг битмас-туганмас ҳазина эканини қалбидан ҳис этиб, танловда қатнашаётган оилаларга ҳавасингиз келади. Кўп китоб ўқиган ай-

ЭНГ ЯХШИ КИТОБХОН ОИЛА

рим ёшларимизнинг заковатига, тилининг равонлигига қойил қоласиз. Ғолибни аниқлаш ҳам осон бўлмади. "Бадий ва маънавий саводхонлик" шартда иштирокчилар тўплаган баллар тенг бўлди. Шу сабабли, қўшимча баҳурбайт уюштирилди.

Яқунда Нурафшон шаҳрилик Жўраевлар оиласи 1-ўринни, Оҳангарон тумани шарафини ҳимоя қилган Сувоновлар оиласи 2-ўринни, бўстонликлик Саидаббаровлар оиласи 3-ўринни қўлга киритишди.

Танлов сўнгда ғолиб ва иштирокчиларга фахрий ёрлик ва эсдалик совғалари топширилди.

Ирода МУҲАМЕДАЗИЗОВА,
Республика "Маънавият ва маърифат" маркази вилоят бўлими бош мутахассиси



ФИНАЛЧИЛАР НОМИ МАЪЛУМ



Бирлашган Араб Амирликларида бўлиб ўтаётган Осиё чемпионати ўзининг ҳал қилувчи палласига кирди. Мусобақанинг дастлабки ярим финал учрашувида турнирнинг энг кучли жамоалари, яъни Эрон ва Япония ўзаро куч синашди. Мазкур баҳс кўплаб футбол мутахассислари ва мухлислар томонидан "финал олди финал" ўйини дея, эътироф этилганди, лекин...

Учрашувнинг биринчи бўлими тенг курашлар остида кечди. Икки жамоа ҳам эҳтиёткорлик билан ўйнагани учун 45 дақиқа оралиғида кескин ҳужумлар ва хавфли вазиятлар деярли бўлмади.

Ўйиннинг 56-дақиқасида форслар ҳимояда кулгили хатога йўл қўйишди. Такуми Минамино рақиб жаҳими майдони ёнида йиқилди ва унинг атрофидаги барча эронликлар негадир ҳақамга эътироз билдириб, "разбор" қила кетишди. Бундан чаққонлик билан фойдаланган япониялик футболчи

тўпни қаршиликсиз жарима майдонига узатди ва у ерда тайёр турган Юя Осако боши билан дарвозани ишғол қилди.

Форслар ўйинчиси Муртазо Пуралиганжи ўз жарима майдонида қўл билан ҳаракат қилди ва ҳақам Эрон дарвозаси томон пеналти белгилади. 11 метрлик жарима зарбасини Осако аниқ бажариб, жамоаси ва ўзининг иккинчи голини урди.

Ушбу голдан сўнг форсларнинг ўйинида тартиб буткул йўқолди ва "самурайлар"нинг ҳужумлари янада

хавфли тус ола бошлади. Ҳақам томонидан қўшиб берилган вақтда Генки Харагути ўзининг аjoyиб зарбаси билан ўйинга нукта қўйди.

Шу тариқа, энгилмасдек кўринган Эронни японлар йирик 3:0 ҳисобида тор-мор этиб, Осиё Кубогининг биринчи финалчисига айланишди.

Кеча, шунингдек, иккинчи финалчи номи ҳам маълум бўлди. Қатар ва мусобақа меҳмонлари ўртасидаги учрашув 4:0 ҳисобида якунланди ва қатарликларни финалга олиб чиқди.

Зухриддин ҚАМБАРОВ

Маданий-маърифий тадбирлар ҳафталиги

Олмалиқда операга ошуфталар кўп

Олмалиқдаги "Металлург" маданият саройида "Олмалиқ КМК" АЖ томонидан ишчиларнинг бўш вақтини мазмунли ўтказиш ҳамда уларнинг маданий ҳордиқ олишлари учун шарт-шароит яратиш мақсадида Ўзбекистон Ёшлар иттифоқи ҳузуридаги Ўзбекистон Ёшлар симфоник оркестрининг концерти ташкил этилди.



Ўзбекистонда хизмат кўрсатган артист Камолитдин Ўринбоев дирижёрлик қилган концертда классик ва замонавий асарлар ижро этилди. Айниқса, Алишер Навоий номидаги опера ва балет Давлат академик Катта театрининг етакчи солистлари Азиза Мухамедова ҳамда Рустам Алимардонов, халқаро танловлар лауреатлари Даврон Хошимов, Оқилбек Пиязов ва Ширин Маматова ҳамда олмалиқлик Ойбек Мавлоновларнинг хонишлари илҳомландир олқишига сазовор бўлди.

Шунингдек, концертда "Бек" доирачилар ансамблининг мусиқий дастури ҳам намойиш этилди.

Бундай юсак савиядаги концертни шахримизда ташкил этилганидан роса хурсанд бўлдик, – дейди Мис бойиш фабрикаси ишчиси Б. Тошпўлатов. – Симфоник оркестрнинг чиқишлари менга ва ҳамкасбларимга жуда манзур бўлди. Бизни маданий дам олишимиз учун ҳаракат қилган комбинатимиз раҳбариятига миннатдорчилик билдирамыз.

Концертга 500 нафардан зиёд мухлислар ташриф буюриб, мириқиб ҳордиқ чиқаришди.

ДАРВОЗАСИЗ ҚОЛГАН ДУНЁ

...Ойнура интернетдаги ижтимоий тармоқларга қарам бўлиб қолади. Инстаграмм мессенжериде ўз саҳифасини яратиш, куну-тун унга ўзи ҳақида маълумотларни, сурат ва видеоларни ҳамда турли маҳсулотларнинг рекламаларини жойлаб боради.

Аҳвол шу даражага етдики, унинг бутун ўй-хаёллари ижтимоий тармоқ билан банд бўлади. Севган инсони, оила аъзолари, дўстлари ҳам унинг эътиборидан четда қолади. Севган йигити Ойнуранинг интернетга қарамлиқдан кутқаришга аҳд қилади. Бунинг учун Ойнуранинг инстаграммдаги аккаунтини ўчириб ташлайди. Кичик бир компаниянинг маҳсулотини ўз саҳифасида реклама қилишга шартнома тузган Ойнура эса бундан қаттиқ қайғуга ботади. Уни тиклашга қилган ҳаракатлари зое кетиб, секин-аста муаммолар гирдобига тушиб қолади...

Мазкур лавҳалар Олмалиқ шаҳридаги "Металлург" маданият саройида премьераси бўлиб ўтган "Инстаграмм" фильмидан эди. "Олмалиқ КМК" АЖ раҳбарияти ташаббуси билан комбинат ходимлари Касаба уюшмаси кенгаши томонидан ташкил этилган фильм премьераси ўзининг тарбиявий аҳамиятга эгалиги билан кўпчилиكنинг диққатини тортиди.

Фильмда ёшларга ҳаётда интернетдан ҳам муҳим нарсалар борлиги кўрсатиб берилибди, – дейди шаҳардаги 5-умумтаълим мактаби ўқитувчиси Фаина Галимова. – Айниқса, мактаб ўқувчилари вақтларини ижтимоий тармоқлар ичида ўтказмасдан, билим олсалар яхши бўларди.

Очилиш, фильм ёқди, – дейди "Олмалиқметаллург-қурилиш" трести ишчиси Ботир Норбоев. – Биз, ёшлар учун тарбиявий аҳамияти бор. Қимматли вақтимизни интернет гирдобидидаги турли кераксиз нарсаларга сарфлашимиз яхши эмас. Фильмдан ёшлар тўғри хулоса чиқариб, ўқиш ва ишларига кўпроқ вақт ажратишларини, ҳаётга жиддий қарашларини хоҳлардим.



Жунун водийсига мойил кўрармен жони зоримни, Тилармен бир йўли бузмоқ бузулгон рўзгоримни.

Улуғ Навоийнинг ҳар бири бир жаҳон маъно, бир олам ҳис-туйғу ифода қилувчи байтларини такрор-такрор ўқиб ҳар сафар кўнглимиз сурур ва ҳаяжон билан тўлади, ҳар сафар бу олмос сатрларнинг янги қирраларини кашф қиламиз, янги-янги маъно товланишларини кўриб ҳайратланамиз.

Мана шу матлаф билан бошланувчи ғазал ўзбекнинг хонадонига дам-бадам меҳмон бўлади. Уни машҳур ҳофизларимиз маком йўлларида жуда таъсирли ижро этганлар. Бу ғазал дунёнинг ғаму андухидан зардобга тўлган шоир қалбининг афғонидир.

ШОИР ҚАЛБИНИНГ ФИҒОНИ

Деманг, қай сори азм этгунг, манга йўқ ихтиёр, охир

Қазо илқига бермишмен инони ихтиёримни.

Ошиқ дунёнинг жабру жафосидан кўп қонли ёшлар тўқди. Оқибат кўзларида ўша қон ёшлар ҳам қуриб тамом бўлди, фақат заъфарондек сарғайган юзи қолди. Шоир бу ҳолатни ҳайратомуз ташбеҳга боғлайди: Золим фалак менинг баҳоримни олиб ҳазон фаслини менга берди. Бу лолдек қон ёшларим тугаб, ҳазондек сарғайган юзим қолганидан намоён бўлиб турибди.

Туганди ашки гулгун, эмди қолмиш заъфароний юз,

Фалак зулми бадал қилди ҳазон бирла баҳоримни.

Навоий даҳр зулмидан бошига ёғилган балоларни байтга қучиброқ фарёд билан баён қилади. Биринчи байт ошиқнинг "жунун водийсига мойил" бўлганини, иккинчи байт дунёдан тамом йўқ бўлиб кетиш тилагини ифода қилса, ғазал сўнгига яқин шоир буларнинг барчасидан ортик офатни қаламга олади – бу офат телба бўлишдан ҳам, дунёдан беному нишон кетишдан ҳам оғир бир офат. Бу – ёру диёрнинг жудо бўлиш мусибати. Навоий шундай ёзади:

Диёрим аҳли бирла ёрдин бошимга юз меҳнат, Не тонг, бошим олиб кетсам қўюб ёру диёримни.

Яъни, агар мен ёру диёримни ташлаб бош олиб кетар бўлсам, бунинг боиси ёрдан ва диёрим одамларидан бошимга минг балолар ёққандир. Тақдир менинг бошимга солган бу савдо шундай оғир савдоким...

Ёмон ҳолимга бағри оғриғай ҳар кимсаким кўргай, Бағир парголосидин қонга булғонгон узоримни.

Бағрим пора-пора бўлганидан қонга бўялдим, бу ҳолимни кўрган ҳар бир кимсанинг бағри оғримай иложи йўқ.

Тириклик шоирнинг наздида – дард. Бу дарднинг давоси эса ёлғиз ўлим. Асли шаробдан келган бош оғриқнинг давоси шароб. Аммо, шоир учун тириклик шаробининг дафъи хумори захри қотилдир.

Ҳаётим бодасидин саргаронмен асру, эй соқий, Қадаҳқа захри қотил қўй, дағи дафъ эт хуморимни.

Яъни, ҳаёт бодасини ичиб бошим оғирдур, эй соқий, қадаҳқа захар қўйиб бергин-да, менинг бошим оғригини даф эт. Чунки, бу дунёда ўлмай туриб тинчимак мумкин эмас, шу боис мени дардлардан озод қилмоқчи бўлсангиз, бору йўғимни ёқинг: **Жаҳон тарқини қилмай чунки тинмоқ**

мумкин эрмастур, Навоий, қил мени озод ўртаб йўқу боримни.

Навоийнинг бу машҳур ғазали фалак бедодидан, замон бедодидан шоирнинг чеккан ноласи бўлиб, неча асрлар оша девондан девонга кўчирилиб, оғиздан-оғизга ўтиб, ҳам китоб варақларида, ҳам қўшадан-қўшадан тизимда бизга етиб келди. Бу кун биз – улуғ бобомизнинг олис набиралари бекиёс истеъдод қаламидан тўкилган мана шундай сатрларни ўқиб, эшитиб онгимиз ва юрагимиз билан баҳрамандлик топамиз, узоқ-узоқ замонларнинг садосини тинглагандай бўламиз.

Жунун водийсига мойил кўрармен жони зоримни...

Ўзбекистон халқ шоири Эркин ВОҲИДОВНИНГ "Сўз латофати" китобидан

ТОШКЕНТ ҲАҚИҚАТИ
ТАШКЕНТСКАЯ ПРАВДА
Муассис:
Тошкент вилояти ҳокимлиги

Бош муҳаррир
Ғайрат ШЕРАЛИЕВ

Ҳафтанинг
чоршанба ва шанба
кунлари чиқади.
Электрон
почталар:
thaqiqat@uamail.uz
th-tp@mail.ru

Телефонлар:
Қабулхона: 71 233-64-95, 71 233-58-85 (факс)
Бош муҳаррир ўринбосари: 71 233-70-10
Масъул котиб: 71 233-55-38
Бўлим муҳаррирлари: 71 233-38-23, 71 233-48-08
Шартнома ва эълонлар: 71 233-65-59
Ҳисоб-китоб бўлими: 71 233-54-10

Тошкент вилояти Матбуот ва ахборот бошқармасида 2011 йил 12 январда 03-001 рақами билан рўйхатга олинган.
Газета «Тошкент ҳақиқати» таҳририяти компьютер марказида терилди ва саҳифаланди.

Набатчи муҳаррир
Кумуш ЭГАМБЕРДИЕВА
Назоратчи мусоҳиҳ
Аллома АЗИЗОВА
Саҳифаловчи
Тоҳир МАҲМУДУЖАЕВ